

مجله اداره سی

باب عالی جوارنده ابو -
السعود جاده سنده محمود بك
مطبعه سیدر.

امور اداره و تحریک به متعلق
خصوصیات ایچون محمد رضا
افندی نامه مراجعت
اولفیدر درج اولفیان
اوراق اعاده اولغاز .
اداره خانه جمعه دن ماعدا
هر کون آجیقدر .

سَمْعَةُ مَالِكِ بْنِ خَنْزَرٍ

۱۳۰۷

سُرَاطُ انْتِزَا

ولایاتده و در سعادتده محل
اقامتله کوندر ملک اوزره
سنه لکی ۷۰ الی ایلنی ۴۰
غروشه در اداره خانه دن
التمق اوزره سنه لکی ۵۰
الی ایلنی ۳۰ غروشه در.
آپونه لر سنه ابتداسندن
یعنی الی اوچنچی نورودن
اعتباراً بر سنه لک و یا خود الی
آلتق اوله رق قید اولنور.

مقالات علمی و فنی نك واسطه انتشاری ، كلزار ادبیاتك مجلیه آتار بدر


Directeur Mehmed Riza

مربی : محمد رضا

نومرو ۹۰

سر محرری : توفیق

نسخه سی ۵ ♦ پاره یه در



«لوائج الحکم» دن :

لاصفه

۱۲

ذات باریدن ماعدا فرد اوله رق هیچ
برشیک وجودی قابل تصور دکلدرد

مصرع

کنج ومار وکل و خار و غم و شادی بهمند
ملنجه هر موجودک بر ضد و تقیضی
اولماق شیوه ظهور اقتضاسندرد . قدرت
الهیتهک اک بیوک برهانی بو جلوه تضاد
و تقابلدردک بحسب العقل اضدادک اجتماعی
محالاندن ایکن سرایای کائنات بر طاقم
اجزای متضاده فردیهک تحلیل و تراکیبه
تکون و تشکل ایلمش اولدیغندن (ان الاشیاء
تنکشف باضدادها) قاعدهسی احکام طبیعه
صره سته کیرمشدر .

نور ظلمته، ضعف قوته، صحت مرضه،
حیات مماته، خیر شره، علم جهله، عقل
جنونه مقابل اولدینی کبی کافه اشیا بوکا
مائلدرد سعادت و شقاوت دخی شو قیلدن
اوله رق بر برینه ضد و متقابلدر هر ایکسنک
آثار و احکامی بشقه در مثلاً سعادتک
خاصه سی هدایت و هدایتک ثمره سی حقه
اطاعت و انقیاد ایله توحید و ایماندر کذلاک
شقاوتک مقتضاسی ضلالت و ضلالتک نتیجه
مؤداسی کفر و عصیان و تشریک و طغیاندرکه
بری صلاحی و دیکری فسادی موجبدر .
طبیعتک قابلیت مطلقه سی حکمنجه نوع بی
آدم هر ایکسنه یعنی بالقوه کرک صلاح و کرک
فساده مائل و راغب اولمغله افعال عباد
صلاح و فساد و صلاح و فساد افعال عبادی
تولید ایدرک نیک و بد یکدیگرندن تفریق
اولنش ایسه اصل مادهک روح و اساسی
طینت اصلیه در .

شبه یوقدرکه هر مخلوق ماخلق لهی
هر نه ایسه آنی قبول و اجرا به مجبوردر .

اولور : برنجیسی یاره ، ایکنجیسی یاره ،
اوچنجیسی ینه یاره . دیدیکی اوتدن بری
ایشیدیکمز برسوزدر .

حالبوکه بو سوز دهاته اربعه عربدن
معاویه بن ابی سفیان) کدر .

بو کلامک عربدن انتقالاً بوناپارتک
قولاغنه کیتامش اولدینی فصل اثبات
اولنور . طوغربدن طوغری به کنسدی
طرفندن سویلنمش ده اوله بیلیر .

بر انکلیز دیپلوماتک کچن کون غزته -
لریمزده کوردیکمز بر نطقنده « بز بوقدر
قدرت و انتظامی پدرلریمز دن بولدق ،
اولدیکمزده بو حالی ، انتظامنه ذره قدر خلل
کتیرمیدیکمز حالده اولادلریمز ترک ایتملی یز . »
مأئده بر فقره کورلمش ایدی .

معلقات سبعة ده شویتی کوریوروز :

ورثنا المجد عن اباء صدق

و نورها اذا متنا نبینا

بورایه قدر یازدیغمز سوزلردن غربک
ترقیاتندن کوز یومدیغمز اکلاشلمسون .
اوروپادن بک چوق شیر آلیوروز و آلملی یز .
اوراده کوردیکمز محسناتی پیدرپی بورایه
نقله چالشملی یز . لکن اوروپالیره پرستش
ایتملی یز . حسابمه کلن شیرلی قبول ایدوب
ملیتمه یارامیان شیرلی آلاملی یز .

ذاتاً ترقی بی، بزده اولمیان شیرلی یز .
نقل ایتمکه غیرتی دینمز امر ایدیور .

مسلمانلق مانع ترقی دکلدرد . مسلمانلق
سائق ترقی ، عین مدیندر .

الحاصل عربده بولدیغمز علومی عربدن ،
الیوم اوروپاده مظهر ترقی اولان علومی ده
غربدن آلیرز .

مسین موی

ابوالفرج اصفهانیک تاریخدن وسائر مدن
بحث ایدن « افغانی » سنک یکرمی جلدی
مصرده باصلمش ایدی . یکرمی برنجی جلدی ،
و غالباً ده اوست طرفی المانیاده « لیدن » ده
ردلف نامنده بر ذات طرفندن باصدیرلمشدر .
اون ایکی بیک صحابینک تدقیق احوالی
حقنده یازیلان « الاصابه فی تمیز الصحابه »
نام طقوز جلد تاریخی ده موسیو استره نکر
نامنده بری طبع ایتدیرمشدر .

مارسلیاده « یوحنا بن یوسف » نامنده
بر فرانسز طرفندن « الفوائج المسکبه »
اسمنده وجوده کتیریلان منتخبات ینه عرب
آناردندرد .

هیروغلیفلرک قرائتی جاهد بکک
دیدیکی کبی بو کون اولمش شیرلر دکلدردک
عربلرک تاریخی هر ج و مرج ایتسون - مصر بلر
ترقیاتی زمانلرنده هیروغلیفلرله ده اوغرا -
شمشاردر . حتی انطالیلی « عبدالرحمن بن
محمد » بویولده بر جوق تألیفاته بولنش و هیرو
غلیفه داترسکیزوز قرق درت تاریخ هیریسند
تألیف ایلدیکی برکتابی سلاطین عثمانیه دن
جتمکان یلدریم سلطان یازیدخان حضر تلرینه
تقدیم ایتمشدر .

جاهد بک ، علم محاضرات حقنده
یازدینی فقراتده ایسه « » هم نه در
یاری بواکلاشلماز علتک زده نه بولورسوق
زده نه کورورسک بولنرک اصلی هپ
عربلرده در ادعاسنده بولمغه بزى سوق
ایدیور « دیور

غرب حکما سندن ایشیدیلان فقرات
حکمیتهک باجمها عربدن انتقال ایتمش
اولدینی فصل ادعا اولنه بیلیر ؟ !

غرب حکما سنه اسناد اولنان فقرات
حکمیتهک برخیلینسک عندالتحقیق عربده
بولنه بیله چکی ادعا اولنورسه طوغری بدر .

مثلاً :

نابولیون بوناپارتک « محاربه اوج شیله

از جمله عقرب طینت اصلیه سنک مستلزم اولدینی بر امتیاز طبیعی به یعنی بر خصوصیت ذاتیه مالکدرکه انک تبدیل و تغیری قابل اوله ماز . همه حال جلیت مخصوصه سنک مقتضی اولدینی افعالی ایشلمکده مضطردر .

یت

نیش عقرب نه از پی کینست

مقتضای طبیعتش اینست

داخل دائرة کون و شهود اولان مخلوقات ایچنده عقل و شعور انسانه مخصوص اولوب سائر لری احکام فطریه لرینه تابعدر — افعال حیوانیه ، طینت اصلیه انک اجباریه بالا مضطرار ظهوره کلدیکندن امور طبیعی عدادندهدر آنک ایچون مسئولیتدن بریدر .

انسان دخی طینت اصلیه سنک ایجاب واقضاسنه تبعیتده مضطر ایهده بر مقتضای عقل و شعور نیک و بدی فرقی و تمیز ایه مکلف اولدیفندن افعال بشر خیر و شر بیننده متردد در بالا اختیار صدور ایدر شو جهته مسئولیت اقتضا ایتمش شرع و قانونه احتیاج مس ایلمشدر . الحاصل موجودات ممکنه — حقایق ازلیه لری اعتباریه امتیازات طبیعییه مظهر اوله رق شاکله استعداد لرینه ترتیبیدن آثار و احوالده متخالف الاحکامدر بر ذره دیگر ذره به قیاس قبول ایتمز افراد بشریه انک هر بریسیده بر ماهیت ذاتیه به مالک اولوب شکلاً و خلقاً یکدیگره بکزه من . اشکال و اخلاق و طبایع خصوصلرینه تفاوت ظاهر اولدینی کبی فکر و ادراکجه دخی تباین طبیعی درکار اولمغه هر شخصک عقل و ادعائی طور آخر اوزره بولندیقندن تعقلات و تخیلاتک مباینی افکار و افعالده اختلافاتی ایجاب ایدرک اشتغالات بشریه تنوع ایلمش ایهده افکار و افعالک نتایج عمومییه آرانسه یا صلاح و یا فساد منتهی اولور . صلاح و فسادک اسباب موجبیه سی اراشدیرلسه هدایت و ضلالتنه وارر .

هدایت و ضلالتک دخی منشأ و منبعی سعادت و شقاوت و سعادت و شقاوتک مبدأ و معدنی طینت اصلیهدر . طینت اصلیه تکده اصل و اساسی اعیان ثابتدرکه اشیانک حضرت علمیه الهیهده کی سر و حقیقتی هر نه ایهسه آندن عبارتدر .

(السعید سعید فی بطن امه والشقی شقی فی بطن امه) حدیث شریفنک توضیح و تشریحنده علمای اهل ظاهر اختلاف ایدوب کیمیسی کویا سعادت و شقاوت امور اکتسابیهدن اولوب بعدالتکون بو عالمده افعال و اعمالک صلاح و فسادینه کوره محصل و تعین ایده چکنه ذاهب اوله رق (بطن ام) دن مقصد دنیا در دیمش و کیمیسی انفس معدودنک نه صورته رهین ختام اوله جفی یعنی انسانک هنکام ارتحالنده کفر ایه و یا خود ایمان ایه می قبض اوله جفی بیلنه . مدیکندن سعادت و شقاوتک بعدالموت اکلاشیله جق بر معنی اولدیفنه قائل اوله رق (بطن ام) ی قبر ایه تفسیر ایلمشدر و لکل وجهه هو مولها .

شیخ الاکبر عارفین حضرت محی الدین رضی الله عنه فصوص الحکمده اعیان ثابتیه اشارت ایدوب بیوررلرکه استعداد ایکی نوعدر بری مجموع و دیگری غیر مجموعدر . استعدادات مجموعله اجسام و اشیانک ترکیب و تکونندن صکره بر مقتضای عنصريت حائز اولدقلری ماهیت و قابلیتندن و استعدادات غیر مجموعله اجسام و اشیانک ترکیب و تکونندن اول حضرت علمیه الهیهده مستر اولان سر کینونت و حقیقتندن عبارتدر . اجسام و اشیا قبل الظهور عالم غیب و هویتده نه حال و کیفیتده بولنش ایهسه او حال و کیفیتک الجا آتیهله بو عالم ملک و شهادتده تعین ایتمش اولدیفندن صور مرکبه عنصریه انک حقائق مجردة اوله لرینه (اعیان ثابتیه) اطلاق اولنور . بو تقدیرجه

اعیان ثابتیه علم الهینک و علم الهی اعیان ثابتیه انک عینی اولمغه عالم بحسب الحقیقه قدیم و بحسب الظهور حادث اولق لازم کلور فقط بوظهور و حدوث بعض علمای اهل ظاهرک توهم ایستدیک کبی یوقدن وار اولماق دیمک . دکلدر هرشی — حضرت علمیهده نه حال و حقیقتله متعین و متحقق ایدیهسه — حب الهینک انبغاثیه او حال و حقیقتک مستلزم و مقتضی اولدینی طور و طبیعت و صورت و سیرت اوزره ظاهر و حادث اولمش دیمکدر .

تجلیات الهیه استعدادات و قابلیتیه یعنی اعیان ثابتیه انک مستوجب و مستدعی اولدینی حالات و کیفیات کوره وارد و واقع اولمغه هر موجود علم الهیهده مستر اولان عین ثابتیه سنک موجب و مقتضای اوزره تعین ایدوب « اعطی کل شیء » و فتنجه جناب و هاب کریم و فیاض حکیمدن حقنی اخذ ایدرک مستظل و مستفیض اولمشدر . عندالعرفا علم معلومه تابعدر تعینندن مراد دخی بو معنادر شو حالده حدیث شریف مذکورده (بطن ام) حضرت علمیه اشارتدر دینلمش اولسه تمام شیوه حقیقته توافق ایتمش اولور .

بو معانی انک تفهم و تفطنی براز مشکلمجه اولدیفندن مسئله یی تشریح ایچون بر مثال ایرادینه لزوم کورلمشدر .

مثلاً انبثات و افاضیه قابل بر ترلایه انواع حبوبات و نباتاتدن خبرمن اولیه رق بر طاقم شیلر زرع ایدلمش و هنوز قوه دن فعله جیقماش اولسه البته مزروعات مذکورده و هله اولیده عدم حالنده کوریلور چونکه اورته ده بر شی یوقدر و قنایه موسمی حلولنده قوه دن فعله جیقهرق حیز حصول و ظهوره کورلر اولوقت وجود لرینه حکم اولنور .

تصویر مرام ایچون ایراد اولنان شو

مثاله کوره اعیان ثابته (نجم) مثابه سنده در
اشیانك قبل الظهور اولان حالت غیبیه لری
(عدم) و بعد الظهور تعین ایدن صورت
شهودیه لری (وجود) منزله سنده در یوقسه
حقیقته جناب واجب الوجوددن غیری وجود
یوقدر — عدم اکانسته بر امر اعتباریدر.
شمدی تمه مثاله کلام — بالفرض صوغان
وسنبل مزروعات مذکوره جمله سندن
اولوبده صوغان ترلایه بنی کریمه رایحه و سنبل
لطیف رایحه یراتماق نه دیمکدر دیو اعتراض
ایتمش اولسه بجایمیدر یوقسه نایجامیدر البته
نایجادر چونکه ترلا یراتماق — استعداد
قوت و یرر اوله حق شیرلی حصوله کتیرر.
صوغانك صوغان اولمی علل و اسبابك هیچ
بریسيله دکلدر کنندی عین ثابته سنك یعنی
علم الهیده متعین اولان حقیقت ازلیه سنك
اقتضاسيله در. علل و اسباب — مزاج
وطبیعت و استعداد و قابلیت و معاونتله مستدعی
وجود اولان شیرلی وجوده کتیرمه توسط
ایدر.

حضرت خلاق لایزال عز شانه شؤن
ذاتی و نعمت صفاتی سنك صور غیبیه سنده
تعین و تجلی ایله اعیان ثابته نك ایجاب
و استعداد سنده کوره اکوان شهودیه افاضه
نور وجود ایلمشدر بو صورتله خلق
و تکوین — قوایل عنصریه نك بر مقتضای
امکان کسوة ترکیب و ترتیه کیرمسيله مظاهر
وجودیه ده ظلال احداثك امتدادندن
عبارتدر بناء علیه صنع الهی — ظهور الهی
دیمك اولدیغندن شائبه تبدیل و تغییردن
بریدر بیت

ظل ممدود عدمدر بو سواد امکان

سیر ماهیت دهره نظر پاك بتر

حال بو منوال اوزره اولنجه رسل

و انبیانك دعوتی عبث اولمازمی (خیر —

عبث اولماز چونکه عبث و دعوتدن مراد

خلقت و ماهیتی تبدیل و تغییر ایتمك یعنی

شقوتی سعادتة نحویل ایله ضلال و فسادى
یر یوزندن قالدر یوریمك دکلدر انبیای
عظامك اصل وظيفه مقدسه لری انجق
عباد الهی طریق هدایتیه دعوتله صراط
مستقیمه دلالت ایلمکدر. رسل و انبیا
صلوات الله علیهم اجمعین! — ضلال و هدایتك
مفسر و معرفی اولان داعیان حق و منادیان
مطلقدر آنلردن صدور ایدن نطق
و نداحقکدر بلکه ناطق و منادی حقدر.
بو — نطق و ندا ظهور ایتمش اولسیدی
بالقوه قابل هدایت اولان اهل توحید
نهیه اقتدا ایدم جکفی هانکی یوله کیده جکفی
بیله مزدی وادی ضالانده قالوردی.

شیخ الاکبر جناب محی الدین رضی الله
عنه (فصوص الحکم) ده سربلیغ و رسالته
اشارت ایدوب بیوررلرکه — امر الهی ایکی
نوعدر بری — تکوینی و دیگری — تشریی در
امر تکوینی (انما امره اذا) حکم
طالینجه حق جل و علا حضرتلرینك اول
دیمسيله اول دنیلان شئیك اولمندن و امر
تشریی واسطه رسل و انبیا ایله بعض
شیرلی عبادینه تکلیف ایتمسندن عبارتدر
امر تکوینی مأمورك استعداد و قابلیتله
مشروطدر یعنی اولمغه صالح و قابل و لائق
اولان شئیته وارد اولور که نتیجه حکمی
حصول و انقیاددر.

اکوان شهودیه اعیان ثابته نك
مقتضاسی اوزره صفت خالقیتله حقك
تجلیسی کبی. امر تشریی — استعداد و قابلیتله
مشروط اولمادیغندن مأمور بهك وجودی
مستلزم دکلدر نتیجه احکامی یالکیز بر
تکلیفدن عبارت اولمغه حصول و انقیاد
مکلفك ارادت و اختیارینه تابعدر.

نظام عالم — عدل و صلاح ایله و عدل

صلاح شریعت ایله قائم اولدیغندن ارادت

الهیه ترفیهاً للعباد تکالیفی اقتضا ایلمش

یعنی بزه معاش و معاد مزجه خیرلی و فائده لی

شیرلك واسطه رسل و انبیا ایله بیلدرلمی
مرادیورلمش و بوتکالیف شرعیه نك جمله سی
فی نفس الامر ممدوح و معقول اوله رق قبول
واجراسی عقل سلیم اقتضاسندن بولمیش ایکن
چوق کسه لر هوای نفسه متابعتله عصیان
و عناد و بك آزی اطاعت و انقیاد اوزره در.

شرایعك وضع و تأسیسی — بر امتحان
الهی اولمغه اوتهدنبرو قابل هدایت اولانلر
اثر انبیایه بالاتباع احکام شرعییه تمسك
و اعتنا و مائل ضلالت بولانلر «سواء علیهم
.» بیان عالینجه انكار و امتناع ایله
نكول و ابا ایدم کلمشدر ناسك شو انقسامنه
نظراً انبیای عظامك ورودی اظهار حق
و حقیقته اهل ضلالت و هدایتی فصل
و تفریق ایدرك «فریق فی الجنة»
حکمی کوسترمش ایسه ده «قل فله الحجة
البالغة» نص جلیلنده کی حجت بالغة
الهیه نك احکام اصلیه سی یوم تبلی السرائر
اولان روز جزاده معلوم اولور بودخی
العلم عند الله تعالی اعیان ثابته نك ظاهر
اولمسيله حقائق ازلیه نك انکشافندن عبارتدر
زیرا کملین اصفا شو خفایاده متفق المزایادر.

قطعه

اسرار ازل رانه تودانی ونه من
وین حرف معمارانه توخوانی ونه من
هست ازبس پرده کفتکوی من و تو
کر پرده رافند نه تومانی ونه من
عارف حکمت

مشاهیر عثمانیه

مابعد

شو سوزلرله — تذاکر شعرا و تراجم

احوال مشاهیر یازان — اسلاف کرامی

استخفاف ایتدی کمزه حکم اولمسون .

آنلرک باشیمزك اوستنده برلری وارددر.

خدمتلرینه ده بیک جان ایله تشکر ایدم رز .